



# GRANT CEFNOGI CYFALAF TROSGLWYDDO ASEDAU CYMUNEDOL CRONFA FFYNIANT GYFFREDIN Y DU Canllawiau 2024

## 1.0 Y RHESWM DROS Y GRONFA:

Bwriad y cynllun grant yw cefnogi hyrwyddiad/ cynaladwyedd Trosglwyddo Asedau Cymunedol o adeiladau sy'n eiddo i'r Awdurdod Lleol i reolaeth sefydliadol yr economi gymdeithasol. Bydd y grant yn cefnogi gwelliannau i adeiladau a phryniannau cyfalaf.

Wedi ei ariannu gan Gronfa Ffyniant Gyffredin y Deyrnas Unedig, bwriad y rhaglen grant yw cyfrannu at ddarpariaeth amcanion ffyniant Llywodraeth y Deyrnas Unedig.

- Creu swyddi a hybu cydlynid cymunedol, trwy fuddsoddiadau sy'n cryfhau'r diwydiannau a sefydliadau presennol, ac sy'n amrywio o gymorth i ddechrau busnesau i welliannau gweladwy i gyfleusterau manwerthu, lletygarwch a'r sector hamdden leol.
- Hyrwyddo rhwydweithio a chydweithio, drwy ymyriadau sy'n dwyn ynghyd fusnesau a phartneriaid o fewn sectorau ac ar hyd sectorau er mwyn iddynt rannu gwybodaeth, arbenigedd ac adnoddau ac i ysgogi adnewyddiad a thwf.
- Adfer ymdeimlad o gymuned, o falchder lleol, a'r ymdeimlad o berthyn yn arbennig yn y llefydd hynny lle gwelwyd eu colled.
- Grymuso arweinwyr a chymunedau lleol, yn enwedig yn y mannau hynny sydd heb asiantaeth leol.

Os fydd eich cais yn llwyddiannus, byddwn yn cadw golwg ar eich prosiect a'u fesur yn erbyn y canlyniadau perthnasol sy'n benodol i ymyriadau Llywodraeth y DU. Bydd y manylyn hwn wedi ei gynnwys yn y llythyr cynnig grant. Am ragor o wybodaeth gweler [UK Government Shared Prosperity Fund Prospectus](#)

## 2.0 BETH ALL Y GRONFA EI ARIANNU:

**Bydd Grant Cefnogi Cyfalaf Trosglwyddo Asedau Cymunedol y Gronfa Ffyniant Gyffredin Y DU yn ariannu:**

- Pryniadau offer cyfalaf a gwaith Cyfalaf a fydd yn gymorth i hyrwyddo / cynnal Trosglwyddiad Ased Cymunedol
- Costau TAW os nad yw'r sefydliad wedi cofrestru ar gyfer TAW

## Gwariant Anghymwys

- Unrhyw fath o gostau refeniw,
- Costau i brynu adeiladau, tir neu gerbydau
- Hurbrynu/Prynu Prydles
- Costau megis rhent, trethi, gweinyddu, cerbydau; cost gwaith sy'n cael ei wneud fel gofyniad statudol cyfreithiol
- Costau sy'n ymwneud â'r treuliau arferol o gynnal y sefydliad
- Costau wrth gefn a Chyfleustodau
- Gweithdrefnau statudol megis caniatâd cynllunio neu reoliadau adeiladu
- Offer / eitemau sydd â defnydd blynyddol unwaith ac am byth neu y tybir eu bod yn dymhorol,
- Costau ôl-weithredol h.y. costau ar gyfer gwaith neu gyfarpar sydd eisoes wedi'i wneud/ eu prynu,
- Costau TAW ar gyfer sefydliadau sydd wedi'u cofrestru ar gyfer TAW
- Costau staff/Marchnata

### 3.0 PWY ALL YMGEISIO:

#### Gallwch wneud cais i'r Grant Cefnogi Cyfalaf Trosglwyddo Asedau Cymunedol Cronfa Ffyniant Gyffredin y DU os ydy'ch sefydliad:

- Yn fusnes cymdeithasol o unrhyw fath e.e. yn fenter gymdeithasol, grŵp cymunedol cyfansoddiadol (un sy'n ymgorfforedig yn ddelfrydol), elusen, CBC, clwb chwaraeon, sefydliad ieuenctid, grŵp addoli, cymdeithas preswylwyr ac ati.
- Ar hyn o bryd yn dal prydles/trwydded ar ased cymunedol ym Merthyr Tudful neu wedi cael cadarnhad ysgrifenedig gan berchennog yr ased y bydd y grant yn cynyddu'r ased cyn trosglwyddo a bod disgwyl i Drosglwyddiad Ased Cymunedol ddigwydd

#### Nid ydych yn gymwys i wneud cais i'r Grant Cefnogi Cyfalaf Trosglwyddo Asedau Cymunedol Cronfa Ffyniant Gyffredin Y DU os:

- ydych yn fusnes preifat (Gweler Grant Sector Breifat i Fusnesau'r Gronfa Ffyniant Gyffredin)
- ydych yn fusnes / grŵp cymdeithasol heb gyfansoddiad,
- ydych yn fusnes cymdeithasol / grŵp heb gyfrif banc sefydliadol,
- oes gan y sefydliad/ymgeisydd unrhyw ôl-ddyledion gyda'r Cyngor.

### 4.0 AM FAINT GALLAF YMGEISIO:

Gall y grant ariannu hyd at 100% o gyfanswm costau cymwys y prosiect hyd at £10,000.

### 5.0 AMSERLEN ARIANNU:

Gweithgaredd	Amserlen/Dyddiad Cau
Cynlluniau Grant yn Agor	Dydd Gwener 8 <sup>fed</sup> Mawrth 2024
Dyddiad Cau Cais	5pm Dydd Gwener 3 <sup>ydd</sup> Mai 2024
Penderfyniad i ymgeiswyr	Erbyn 31ain Mai 2024

Monitro ac Ymgysylltu	Mehefin – Rhagfyr 2024
Monitro Terfynol a Chau Grant	18 Rhagfyr 2024

## 6.0 GWYBODAETH BELLACH:

Cyn y dyddiad cau bydd yn rhaid i chi gyflwyno ffurflen gais wedi ei chwblhau'n gyfan gwbl gan gynnwys yr holl wybodaeth gefnogol angenrheidiol a nodir yn rhestr wirio'r ffurflen gais.

Trwy gyflwyno'r cais hwn rydych yn cytuno eich bod wedi rhoi gwybod i berchennog yr ased o'ch bwriad i ymgeisio a bod hynny wedi ei gytuno gan y ddau ohonoch.

**Dalier sylw:** Ni fydd ffurflenni cais sydd ond wedi eu cwblhau'n rhannol yn cael eu hasesu, felly, sicrhewch os gwelwch yn dda eich bod wedi cwblhau pob adran o'r ffurflen gais a'ch bod wedi cyflwyno'r holl ddogfennau perthnasol.

Ar gyfer gwaith cyfalaf bydd angen lleiafswm o ddau ddyfynbris a dylid eu cyflwyno ynghyd â'r ffurflen gais ac unrhyw ddogfennau cefnogol eraill. Rhaid i'r dyfynbrisiau fod yn seiliedig ar yr un gwaith. Gweler hefyd gyfleoedd nawdd eraill sydd ar gael drwy Grant Cyfalaf Mentrau Cymdeithasol Cronfa Ffyniant Gyffredin y Deyrnas Unedig.

Ni fydd grantiau yn cael eu cynnig na'u talu os ydy'r busnes neu'r ymgeisydd mewn ôl-ddyled i'r Awdurdod Lleol. Caiff gwiriadau eu cynnal yn ôl yr angen.

Telir arian y grant drwy BACS i gyfrif banc y busnes wedi i ni dderbyn copïau gwreiddiol o anfonebau wedi eu talu a'r adroddiad banc sy'n cyfateb i hynny neu, mewn amgylchiadau sy'n seiliedig ar asesiad achos busnes, telir yr arian unwaith i ni dderbyn anfoneb neu ddyfynbris dilys.

Rhaid bod pob prosiect wedi ei gwblhau erbyn y 18fed o Ragfyr 2024 gyda thystiolaeth o'r holl wariant wedi ei gyflwyno.

Byddwn yn derbyn ffurflenni cais a'r dogfennau drwy e-bost. Os gwelwch yn dda, cyflwynwch eich cais i [economic.development@merthyr.gov.uk](mailto:economic.development@merthyr.gov.uk).

Dalier sylw hefyd, os gwelwch yn dda, nad yw cyflwyno cais yn sicrhad o nawdd.

Os oes gennych unrhyw ymholiadau cysylltwch ag [economic.development@merthyr.gov.uk](mailto:economic.development@merthyr.gov.uk) yn y lle cyntaf.

## 7.0 RHESTR FER A MEINI PRAWF ASESU:

Bydd eich cais yn destun gwiriad dilysu cychwynnol i sicrhau eich bod wedi cyflwyno'r holl wybodaeth gywir. Yn ogystal â hynny, bydd pob sefydliad / busnes yn mynd trwy wiriad diwydrwydd dyladwy fel rhan o amodau ein prosesau grant.

Yn ystod ail gam yr asesiad bydd pob cais yn cael ei asesu yn erbyn y meini prawf canlynol gan banel arbenigol:

- Gwerth am arian
- Creu Swyddi/ Diogelu Swyddi
- Effaith Economaidd-gymdeithasol
- Canlyniadau'r Prosiect

- Y galw
- Cynladwyedd / hirhoedledd y Prosiect/ Gwaith
- Amserlen y Prosiect

Os oes gennych unrhyw ymholiadau, cysylltwch â'r Tîm Menter drwy anfon e-bost at [economic.development@merthyr.gov.uk](mailto:economic.development@merthyr.gov.uk)

**LEVELLING UP**      **FFYNIANT BRO**